



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Qvod Iudaei Messiam, Qvi uenit, ceu uenturum, temere  
expectent**

**Samuel <Marochitanus>**

**Argentorati**

**VD16 S 1561**

Capvt .XXI. Quod Deus resutauit ieiunia, sabbata, & sacrificia Iudaeorum,  
& Christianorum elegit.

**urn:nbn:de:hbz:466:1-36159**

P A R A S T A S I S.

sa parata sapientia altissimi, nisi altare? Quid domine, panis, & uinum mixtum, nisi sacrificium de pane & uino, & de aqua quod fit in altari? qui sunt insipientes uocati per seruos sapientiae, nisi gentes quae ignorabant Deum uocatae per Apostolos. Et notabiliter dicit, panem suum & uinum suum. per id enim innuit hoc sacrificium esse gratum Deo, & q̄ ad istud conuiuium tam sublime, & tam spirituale non uocauit patres nostros qui erant sapientes in lege, qui erant occupati in sacrificio legis, quod etiam carnale sacrificium non dimisit nobis, sed priuauit nos illo. Iam sunt mille anni cōpleti, quod nobis accidit propter illum iustum in quem peccauius. Attamen Dei sumus.

CAPVT. XXI.

Quod Deus refutauit ieiunia, sabbata, & sacrificia Iudeorum, & Christianorum elegit.

**V**alde timeo, domine mi, ab illo uerbo, quod Deus fortis & gloriosus dixit per os Malachiae capit. i. ubi sic tangit de sacrificio gentium. Ab ortu solis usq; ad occasum, Gentes offerēt sacrificium nomini meo mundum, ubi aduerto q̄ sacrificium nostrum non fuit acceptum nisi in uno loco solo, scilicet in domo sancta praesente, quo etiam loco & sacrificio priuauit nos Deus, scilicet terra promissionis, & ubiq; dispersit nos terrarū, iā sunt mille anni. Vnde uenit super nos, & completum est, quod Deus dixit de nobis per similitudinē loquens per os  
Esa.

V E R I M E S S I A E

Esaiæ capit. xxij. ubi ait. Completa est uindemia & non est de cætero collectio. Vnde uenit super nos & completum est quod Deus dixit per os Malachiæ Prophete, ubi sic ait. Non est mihi uoluntas in uobis, & sacrificium non accipiam à uobis. Venit etiam, & iam completum est quod Deus dixit per os Esa. capi. primo, cum ait. Sabbata uestra, & uestiuitates uestras, et sacrificium uestrum, nõ recipiam, quia omnes uos estis in ira mea. Venit etiam, & completum est super nos, quod dixit in eodem cap. Esaias cum loquitur per eum Deus, & ait. Quid mihi multitudo uictimarum uestrarum, quid multiplicastis mihi sacrificium de arietibus, & carnibus hircorum, ego autem contempsi sanguinem uitulorum, & arietum carnes et hircorũ. Cum presentaueritis ea coram me, & quis recipiet ea à uobis? non deturpetis lapides meos sanctos. Frustranõ offeretis ultra sacrificium, quoniam incensum uestrum, & sabbata uestra, & solenitates uestras non recipiam à uobis, quia odiuit illa anima mea. Si eleuatis manus uestras ad me, auertam uultum meum à uobis. Et si multiplicaueritis orationes uestras, non exaudiam, quoniam manus uestræ plene sunt sanguine. Et omne sacrificium uestrum sicut cadauer foetidum, Et egressus atrij portæ exterioris, & ille qui mihi iugulauerit thaurum, sicut qui decollauerit hominem, & ille qui obtulerit in sacrificium hircum, sicut qui obtulit carnem, & qui obtulit uinũ, sicut qui offert sanguinem porci. Sed abominatio de sacrificijs apud Deum nihil aliud significat, nisi mutationem sacrificij nõ  
feri

P A R A S T A S I S.

stri carnalis & grossi in sacrificium istius iusti domini spiri-  
rituale & subtile. Qui instituit offerre panem loco carnis  
um, & aquam mundam, loco pinguedinis carnis. Et uinum  
purum, loco sanguinis. Et homo offertur spiritualiter &  
acceptabiliter Deo, non sicut animalia decollata per nos  
que per Prophetam comparatur cadaueri putrido. Nos  
attamen Dei sumus, & ad ipsum redibimus in omnibus  
que euenerint nobis. Et quia non credimus, domine, hec  
que locutus est nobis Deus per Prophetam istum, quid de-  
scribit tam euidenter de sacrificijs nostris, dixit etiam Deus  
per Hicre. capi. vij. Inuitate proximos uestros ad sacrifi-  
cia, & comedite cum eis carnes sacrificiorum uestrorum.  
quia in die qua eduxi patres uestros de Aegypto, non pre-  
cepi eis uerum de sacrificijs, sed dixi. Audite uocem meam  
& ero uobis Deus, & uos mihi populus, si ambulaueritis  
in omnibus que precipio uobis, bene erit uobis, & non au-  
dierunt, nec posuerunt aurem suam ad dictum meum, &  
tu, domine mi, es qui hoc nosti. Attamen Dei sumus in omni-  
bus que euenerint nobis.

CAPVT XXII.

Probat abiectionem Synagoge & electio-  
nem Ecclesie per uerbum do-  
mini ad Rebeccam.

**T**imco, domine mi, q, de Synagoga & ecclesia intelli-  
gatur uerum illud quod scribitur. xxv, capit. primi  
libri legis, cum dicit, dominus Deus Rebeccae uxori  
Isaac. Due gentes sunt in utero tuo, & duo populi ueniet  
de